



Godina XV – Broj 48

Srijeda, 6. 8. 2008. godine

ISSN 1512-7079

SARAJEVO

**PARLAMENT FEDERACIJE
BOSNE I HERCEGOVINE**

866

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

**O PROGLAŠENJU ZAKONA O IZMJENAMA I
DOPUNAMA ZAKONA O INVESTIRANJU JAVNIH
SREDSTAVA**

Proглашава se Zakon o izmjenama i dopunama Zakona o investiranju javnih sredstava koji je donio Parlament Federacije BiH na sjednici Predstavničkog doma od 27. maja 2008. godine i na sjednici Doma naroda od 3. jula 2008. godine.

Broj 01-02-382/08
25. jula 2008. godine
Sarajevo

Predsjednica
Borjana Krišto, s. r.

ZAKON

**O IZMJENAMA I DOPUNAMA ZAKONA O
INVESTIRANJU JAVNIH SREDSTAVA**

Član 1.

U Zakonu o investiranju javnih sredstava ("Službene novine Federacije BiH", br. 77/04) u članu 1. riječ "investiranje" zamjenjuje se riječima: "uvjeti i način investiranja", a na kraju teksta tačka se zamjenjuje zarezom i dodaju riječi: "te ovlaštenja i odgovornosti lica koja vrše investiranje javnih sredstava".

Član 2.

U članu 2. iza stava 4. dodaje se novi stav 5. koji glasi:

"Pod raspoloživim javnim sredstvima, u smislu ovog Zakona, podrazumijevaju se novčana sredstva iz stava 1. ovog člana koja trenutno nisu potrebna za druge namjene niti su ograničena drugim namjenama."

Član 3.

U članu 3. u stavu 2. riječ "jedino" zamjenjuje se riječju "isključivo".

U stavu 2. tačka 1. mijenja se i glasi:

"1) obveznice koje izdaje vlada druge države, članice EU, te vlade drugih država članica OECD-a, koje su rangirane najmanje rejtingom "A" (visokog do srednjeg kvaliteta sa većim brojem

dobrih karakteristika, ali koje su u izvjesnoj mjeri osjetljive na uticaj promjena u ekonomskim uvjetima), a koje su rejting Agencija Standard & Poors, Moody's Investor Service ili Fitch Rating Service;"

U tački 3. ispred riječi "depozit" dodaje se riječ "oročeni", a iza riječi "Hercegovine" dodaju se riječi: "te oročene depozite kod Centralne banke Bosne i Hercegovine, u skladu sa Zakonom o Centralnoj banci Bosne i Hercegovine".

Tačka 4. mijenja se i glasi:

"4) oročeni depozit kod stranih banaka koje su rangirane najmanje rejtingom "A", koje su rejting Agencija Standard & Poors, Moody's Investor Service ili Fitch Rating Service;"

Tačka 6. mijenja se i glasi:

"6) instrumente na tržištu novca koji glase i koji se isplaćuju u valuti euro, koji su regulirani od ovlaštenog regulatornog organa za emisiju i promet vrijednosnih papira države članice EU, te druge države članice OECD-a;"

U tački 7. iza riječi "Hercegovina" dodaju se riječi: "Federacija Bosne i Hercegovine i Republika Srpska, u skladu sa odgovarajućim zakonima."

Član 4.

U članu 4. stav 2. mijenja se i glasi:

"U vrijednosne papire jednog emitenta ili u oročeni depozit kod jedne banke ne smije se investirati više od 25% raspoloživih, odnosno investiranih javnih sredstava investicijske institucije."

Član 5.

U članu 5. st. 1. i 2. mijenjaju se i glase:

"Vrijednosni papiri iz portfelja odobrenih investicijske institucije moraju se čuvati na posebnom računu depozitara za račun investicijske institucije."

Poslove depozitara iz stava 1. ovog člana obavlja pravno lice koje posjeduje dozvolu za obavljanje poslova depozitara izdatu od Komisije za vrijednosne papire Federacije Bosne i Hercegovine (u daljnjem tekstu: Komisija za vrijednosne papire) sa kojom je investicijska institucija zaključila ugovor o obavljanju poslova depozitara."

Član 6.

Iza člana 5. naziv Poglavlja III. mijenja se i glasi:

"III. OVLASTENJA I ODGOVORNOST INVESTICIJSKE INSTITUCIJE I INVESTICIJSKOG MENADŽERA".

Član 7.

Član 6. mijenja se i glasi:

"Član 6.

Investicijska institucija mora imenovati najmanje jednog investicijskog menadžera u roku propisanom u članu 13.a ovog Zakona.

Investicijska institucija dužna je usvojiti godišnju politiku investiranja u skladu sa uvjetima i ograničenjima propisanim ovim Zakonom.

Pod politikom investiranja podrazumijeva se naročito vrsta odobrenih investicija u koje će se ulagati raspoloživa javna sredstva, karakteristike izdavalaca vrijednosnih papira, najveći dozvoljeni iznos ulaganja u vrijednosne papire jednog emitenta i oročene depozite kod jedne banke, kao i druge okolnosti značajne za određivanje stepena rizika ulaganja.

Investicijska institucija dužna je donijeti pravilnik kojim se definira postupak, sadržaj i rokovi izvještavanja o izvršenim investicijama.

Član 8.

Član 7. mijenja se i glasi:

"Član 7.

Investicijski menadžer - fizičko lice iz člana 2. stav 4. ovog Zakona mora posjedovati dozvolu za obavljanje poslova investicijskog menadžera izdatu od Komisije za vrijednosne papire u skladu sa Zakonom o vrijednosnim papirima Federacije Bosne i Hercegovine.

Investicijski menadžer - pravno lice iz člana 2. stav 4. ovog Zakona je ovlašten učesnik na tržištu vrijednosnih papira (u daljnjem tekstu: ovlašten učesnik) koji posjeduje dozvolu za obavljanje poslova portfeljem vrijednosnih papira izdatu od Komisije za vrijednosne papire.

Izuzetno od odredbi stava 1. ovog člana, poslove investicijskog menadžera - fizičkog lica može obavljati i rukovodilac institucije koja investira ukoliko se investiranje raspoloživih javnih sredstava vrši isključivo u odobrene investicije iz člana 3. stav 2. tačka 3. i u skladu sa odredbama ovog Zakona, u tom slučaju rukovodilac ne mora posjedovati dozvolu iz stava 1. ovog člana.

Izbor depozitara iz člana 5. ovog Zakona i investicijskog menadžera iz člana 2. stav 4. ovog Zakona vrši se u skladu sa Zakonom o javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 8/06, 24/06 i 70/06).

Sa depozitarom, odnosno sa investicijskim menadžerom izabranim u skladu sa stavom 4. ovog člana investicijska institucija zaključuje ugovor kojim se reguliraju prava i obaveze ugovornih strana.

Prava upravljanja i odlučivanja utvrđena ovim Zakonom investicijski menadžer ne može prenijeti na treće lice bez saglasnosti investicijske institucije.

Investicijski menadžer upravlja i raspolaže sredstvima i odlučuje o investicijama sa pažnjom dobrog privrednika i u najboljem interesu investicijske institucije, poštujući principe sigurnosti, likvidnosti i rentabilnosti. Investicijski menadžer ne može se smatrati odgovornim zbog bilo koje radnje preduzete u dobroj namjeri i sa pažnjom dobrog privrednika i dobrog stručnjaka, a u skladu sa zakonskim ovlaštenjima, investicijskim ograničenjem propisanim ovim Zakonom, usvojenom godišnjom politikom investicijske institucije i pravilima struke i običaja.

Član 9.

Iza člana 13. dodaje se novo Poglavlje VI. i čl. 13.a i 13.b koji glase:

"VI. PRIJELAZNE I ZAVRŠNE ODREDBE

Član 13.a

Investicijska institucija donijet će Odluku o imenovanju investicijskog menadžera iz člana 6. ovog Zakona u roku od 90 dana od dana stupanja na snagu ovog Zakona.

Investicijska institucija donijet će Pravilnik iz člana 6. stav 4. ovog Zakona u roku od 90 dana od dana stupanja na snagu ovog Zakona.

Član 13.b

Na poslove sa vrijednosnim papirima koji nisu uređeni ovim Zakonom primjenjivat će se odredbe Zakona o vrijednosnim papirima."

Član 10.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O INVESTIRANJU JAVNIH SREDSTAVA

Proglasa se Zakon o izmjenama i dopunama Zakona o investiranju javnih sredstava koji je donio Parlament Federacije BiH na sjednici Zastupničkog doma od 27. svibnja 2008. godine i na sjednici Doma naroda od 3. srpnja 2008. godine.

Broj 01-02-382/08
25. srpnja 2008. godine
Sarajevo

Predsjednica
Borjana Krišto, v. r.

ZAKON

O IZMJENAMA I DOPUNAMA ZAKONA O INVESTIRANJU JAVNIH SREDSTAVA

Članak 1.

U Zakonu o investiranju javnih sredstava ("Službene novine Federacije BiH", br. 77/04) u članku 1. riječ "investiranje" zamjenjuje se riječima: "uvjeti i način investiranja", a na kraju teksta tačka se zamjenjuje zarezom i dodaju riječi: "te ovlasti i odgovornosti osoba koje investiraju javna sredstva".

Članak 2.

U članku 2. iza stavka 4. dodaje se novi stavak 5. koji glasi: "Pod raspoloživim javnim sredstvima, u smislu ovoga Zakona, podrazumijevaju se novčana sredstva iz stavka 1. ovoga članka, koja trenutačno nisu potrebna za druge namjene niti su ograničena drugim namjenama."

Članak 3.

U članku 3. stavak 2. riječ "jedino" zamjenjuje se riječju "isključivo".

U stavku 2. tačka 1. mijenja se i glasi:

"1) obveznice koje izdaje vlada druge države, članice EU, te vlade drugih država članica OECD-a, koje su rangirane najmanje rejtingom "A" (visoke do srednje kvalitete, s većim brojem dobrih karakteristika, ali koje su u izvjesnoj mjeri osjetljive na utjecaj promjena u ekonomskim uvjetima), a koje su rejting Agencija Standard & Poors, Moody's Investor Service ili Fitch rating Service;"

U točki 3. ispred riječi "depozit" dodaje se riječ "oročeni", a iza riječi "Hercegovine" dodaju se riječi: "te oročene depozite kod Centralne banke Bosne i Hercegovine, sukladno Zakonu o Centralnoj banci Bosne i Hercegovine".

Točka 4. mijenja se i glasi:

"4) oročeni depozit kod stranih banaka koje su rangirane najmanje rejtingom "A", koje su rejting Agencija Standard & Poors, Moody's Investor service ili Fitch rating Service;"

Točka 6. mijenja se i glasi:

"6) instrumente na tržištu novca koji glase i koji se isplaćuju u valuti EURO, koji su regulirani od ovlaštenog regulatornog



Godina XI – Broj 77

Četvrtak, 30.12.2004. godine

SARAJEVO

ISSN 1512-7079

PARLAMENT FEDERACIJE BOSNE I HERCEGOVINE

686

Na osnovu člana IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O INVESTIRANJU JAVNIH SREDSTAVA

Proglašava se Zakon o investiranju javnih sredstava koji je donio Parlament Federacije Bosne i Hercegovine na sjednici Predstavničkog doma od 28. oktobra 2004. godine i na sjednici Doma naroda od 23. novembra 2004. godine.

Broj 01-1087/04
22. decembra 2004. godine
Sarajevo

Predsjednik
Niko Lozanić, s. r.

ZAKON

O INVESTIRANJU JAVNIH SREDSTAVA

I - OPĆE ODREDBE

Član 1.

Ovim Zakonom uređuje se investiranje javnih sredstava u Federaciji Bosne i Hercegovine (u daljem tekstu: Federacija).

Član 2.

Pod javnim sredstvima podrazumijevaju se: sva budžetska i vanbudžetska sredstva, porezni i neporezni prihodi, naknade, kompenzacije i ostali prihodi iz vlastitih izvora od pružanja javnih usluga i djelatnosti, krediti i grantovi. Javna sredstva moraju se deponovati na jedinstvenom računu Trezora i isplaćivati sa jedinstvenog računa Trezora. U skladu sa odredbama ovog Zakona, javna sredstva mogu se investirati, bez obzira na to da li su planirana za budžetske namjene.

Pod investicionom institucijom podrazumijevaju se: Trezor pri Federalnom ministarstvu finansija i trezori pri svakom od kantonalnih ministarstava finansija, općinama i gradovima, Federalni zavod za PIO, Federalni zavod za zdravstveno osiguranje i reosiguranje, Fond solidarnosti Federacije, kantonalni zavodi zdravstvenog osiguranja, Federalni zavod za zapošljavanje i službe za zapošljavanje kantona.

Pod trećom stranom koja djeluje u svojstvu depozitara podrazumijeva se banka koja drži u skrbništvu prenosive otkupljene vrijednosne papire u skladu sa ugovorom o reotkupu.

Pod investicionim menadžerom podrazumijeva se fizičko lice, brokerska kuća i banka koju propisno ovlasti investiciona institucija i ovlaštenja joj se povjere u ime investicione institucije da investira, vrši transfer ili na drugi način upravlja javnim sredstvima.

II - ODOBRENE INVESTICIJE

Član 3.

Investiranje javnih sredstava vrši se za svrhe uvećanja resursa u Federaciji.

Javna sredstva mogu se investirati jedino u sljedeće vidove investicija (u daljem tekstu: odobrene investicije):

- 1) vladine obveznice koje izdaje vlada druge države koje su rangirane najmanje kao "A" klasa (visokog do srednjeg kvaliteta sa većim brojem dobrih karakteristika, ali koje su u izvjesnoj mjeri osjetljive na uticaj promjena u ekonomskim uvjetima) a prema Standard & Poors, Moody's Investor Service ili Fitch Rating Service;
- 2) vrijednosne papire koji su rangirani kako je navedeno u prethodnoj tački za koje garantuje vlada druge države;
- 3) depozit kod bilo koje banke koja je članica Agencije za osiguranje depozita Bosne i Hercegovine;
- 4) depozit u nekoj od banaka koja je rangirana najmanje klasom "A" u skladu sa Standard & Poors, Moody's Investor Service ili Fitch Rating Service;
- 5) ugovore o reotkupu u čijoj osnovi su prenosivi otkupljeni vrijednosni papiri koji se sastoje od gore opisanih vrijednosnih papira u tački 1) i koje u svojstvu depozitara drži treća strana;
- 6) sredstva na tržištu novca koja su regulirana od Komisije za promet vrijednosnih papira iz Sjedinjenih Američkih Država ili neke nadležne institucije Evropske unije a čiji se portfelji sastoje samo od vrijednosnih papira izraženih u apoenima eura, tržište novca države Bosne i Hercegovine, koje će biti regulirano od ovlaštene institucije.
- 7) vladine obveznice koje izdaje Bosna i Hercegovina.

Član 4.

Odobrene investicije moraju imati dospijeće kraće od roka planiranog za doznačenu upotrebu javnih sredstava koja se investiraju.

U svaku od odobrenih investicija iz člana 3. stav 2. tač. 3), 4) i 7) može se investirati najviše 25% javnih sredstava koja pripadaju investicionoj instituciji.

U odobrene investicije čije dospjeće ne prelazi sedam dana mora se investirati najmanje 10% javnih sredstava koja pripadaju investicionoj instituciji.

Član 5.

U slučaju da se u ulozi investicionog menadžera pojavljuje pravni subjekt: banka, brokerska kuća, sve odobrene investicije obavezno se drže na posebnom računu koji investicioni menadžer otvara u svoje ime a za račun investicione institucije u skladu sa instrukcijama datim od investicione institucije.

U slučaju da se u ulozi investicionog menadžera pojavljuje fizičko lice, otvaranje i upravljanje posebnim računom bit će provedeno u skladu sa instrukcijama datim od investicione institucije.

Prenosive otkupljene vrijednosnice u ugovoru o reotkupu obavezno u svojstvu depozitara drži treća strana.

III - INVESTICIONI MENADŽER

Član 6.

U roku od 90 dana od dana stupanja na snagu ovog Zakona svaka investiciona institucija zvanično ovlašćuje najmanje jednog investicionog menadžera.

Ovlašćenje investicionog menadžera iz stava 1. ovog člana mora biti zasnovano na odluci investicione institucije. Navedenom odlukom preciziraju se javna sredstva kojima se upravlja, investicioni plan, prosječno procijenjeno dospjeće, ograničenja iz čl. 3. 4. ovog Zakona, uvjeti kolaterala javnih depozita, te utvrđuju rokovi za podnošenje izvještaja o investicionim odlukama.

Odluka iz stava 2. ovog člana dostavlja se u roku od deset dana Federalnom ministarstvu finansija.

Član 7.

Investicioni menadžer može biti lice koje je zaposlenik investicione institucije sa odgovarajućim iskustvom u investicionom upravljanju i da je sertifikovano od Komisije za vrijednosne papire; brokerska kuća koja je sertifikovana od Komisije za vrijednosne papire; banka sa dozvolom institucije za superviziju - Agencije za bankarstvo Federacije Bosne i Hercegovine ili Centralne banke Bosne i Hercegovine.

Bankarske usluge su predmet javnog nadmetanja (tendera) među konkurentnim ponuđačima.

U roku od deset dana nakon potpisivanja ugovora između investicione institucije i pravnog lica koje je investicioni menadžer kopija ugovora, uključujući i njegove naknadne izmjene i dopune, dostavlja se instituciji nadležne supervizije za banku, odnosno Komisiji za vrijednosne papire za brokersku kuću.

Investicioni menadžer donosi investicione odluke u ime investicione institucije. Investicioni menadžer ne može se odreći ili na neki drugi način dodijeliti ovlasti utvrđene ovim Zakonom.

Ukoliko investicije on ne snosi odgovornost za nastali gubitak ili smanjenje javnih sredstava.

IV - OBAVJEŠTAVANJE I REVIZIJA

Član 8.

Investicioni menadžer podnosi izvještaj investicionoj instituciji o investiranju u skladu sa odlukom iz člana 6. stav 2. ovog Zakona.

Član 9.

Sve investicione institucije podnose godišnji izvještaj Federalnom ministarstvu finansija o svojim investicionim rezultatima, najkasnije do 31. marta tekuće godine za prethodnu godinu.

Na osnovu izvještaja investicionih institucija Federalno ministarstvo finansija izrađuje jedinstveni konsolidovani investicioni izvještaj i podnosi ga Vladi Federacije Bosne i Hercegovine najkasnije do 30. aprila tekuće godine za prethodnu godinu.

Vlada Federacije Bosne i Hercegovine podnosi konsolidovani izvještaj Parlamentu Federacije Bosne i Hercegovine najkasnije do 31. maja tekuće godine za prethodnu godinu.

Član 10.

Sve investicione aktivnosti na osnovu ovog Zakona bit će predmetom kontrole od Federalnog ministarstva finansija i revizije od Ureda za reviziju budžeta Federacije Bosne i Hercegovine.

V - KAZNE ODREDBE

Član 11.

Novčanom kaznom u iznosu od 5.000,00 KM do 20.000,00 KM kaznit će se za prekršaj pravno lice u svojstvu zakonski ovlašćenog investicionog menadžera ako:

- a) ne investira javna sredstva u odobrene investicije iz člana 3. ovog Zakona;
- b) investira javna sredstva suprotno investicionim ograničenjima iz člana 4. ovog Zakona;
- c) odobrene investicije se ne drže na, za tu svrhu posebno odvojenom, fiducijarnom računu, ili prenosive otkupljene vrijednosnice iz ugovora o reotkupu ne drži treća strana u svojstvu depozitara kako je propisano u članu 5.;
- d) odrekne se ili na drugi način dodijeli svoje nadležnosti suprotno članu 7. stav 4.;
- e) odbije dopustiti reviziju u skladu sa odredbom člana 10. ovog Zakona, odnosno odbije postupiti u skladu sa mjerama koje proizilaze iz nalaza revizije.

Novčanom kaznom u iznosu od 500,00 KM do 2.000,00 KM kaznit će se odgovorno lice u pravnom licu za prekršaj iz stava 1. ovog člana.

Novčanom kaznom u iznosu od 1.000,00 KM do 2.000,00 KM kaznit će se fizičko lice u svojstvu zakonski ovlašćenog investicionog menadžera za prekršaj iz stava 1. ovog člana.

Član 12.

Novčanom kaznom u iznosu od 10.000,00 KM do 20.000,00 KM kaznit će se za prekršaj pravno lice koje nije investicioni menadžer ako donese investicionu odluku u pogledu javnih sredstava, bez obzira na to da li se radi o odobrenoj ili drugoj investiciji.

Novčanom kaznom u iznosu od 2.000,00 KM do 5.000,00 KM kaznit će se za prekršaj iz stava 1. ovog člana fizičko lice koje nije investicioni menadžer.

Član 13.

Pored odgovornosti utvrđenih odredbama čl. 11. i 12. ovog Zakona investicionom menadžeru, odnosno pravnom ili fizičkom licu koje nije investicioni menadžer, također će se izreći i novčana kazna koja je srazmjerna nivou ostvarenog gubitka ili smanjenja javnih sredstava, a koja ne može biti veća od dvadesetostrukog iznosa ostvarenog gubitka ili smanjenja javnih sredstava, a koja su predmet prekršaja u skladu sa ovim Zakonom.

Ukoliko se u svojstvu investicionog menadžera pojavljuje banka, dodatne mjere poduzima nadležna institucija supervizije, a ukoliko brokerska kuća - dodatne mjere poduzima Komisija za vrijednosne papire.

Član 14.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Muhamed Ibrahimović, s. r.

Na temelju članka IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O INVESTIRANJU JAVNIH SREDSTAVA

Prolašava se Zakon o investiranju javnih sredstava koji je donio Parlament Federacije Bosne i Hercegovine na sjednici